

مشتاق

مطبعة و محل اداره :

جفال اوغلنده امنيت
سندوفى جوارنده
شنگول يقوشنده
۲۲ نومرو

سلکمزموافق آثار
جدیدہ مع الممنونہ
قبول اولنور

درج ایدلہین آثار اعادہ اولنور

دیر ، فلسفہ ، علوم ، حقوق ، ادبیات تاریخ ، سیاسیات و بالخاصہ احوال و مشورہ اسلام بدین بحث ایدر و هفته درہ بر نشر اولنور .

صاحب و مؤسسلری :

آبونه بدلی

در سعادتده نسخہ سی ۵۰ یارہ در

ابوالعلا زین العابدین - ح . اشرف ادیب
تاریخ تاسیسی

سنه لکی	التی آیلدی	غروش
۶۵	۳۵	۳۰۵
۶۰	۳۰	۲۰۰
۱۷	۹	۱۰۰

قیرلہ دن مقوا بورو ایله کوندریلیرسہ سنوی
۲۰ غروش فضلہ آلنیر

۱۰ تموز ۳۲۴

یدنجی جلد

۱۹ شوال ۱۳۲۹ پنجشنبه ۲۹ ایلول ۱۳۲۷

عدد : ۱۶۴

سأردن خبر ویربور . قائلک تردینه کلنجه انک بوترددی حقیقت ذاتیه سنک نبوتنه دکل او حقیقتک اوزرینه ترتب ایتدیره جکی حکمه عاندر قائل ویره جکی ، کلمه ایستدیی قدر تردد ایتسون حتی ایسترسه بر حکم منفی بیله ویرسون هیچ تأثیری یوقدر . چونکه کنديسندن صادر اولان « بن » لفظی انی الزام ایتک ایستین کیمسه ایچون « آرشمید » ک ارادینی استناد نقطه سندن دها قویدر .

او الله ایدلکدن صکره اوتسی قولایلاشیر . مادامکه بن لفظنک قائل اولفظی تلفظ و بو تلفظیه انک مدلولنه بوجه ماشمورینی اعتراف ایدیور . انک اوزرینه ترتب ایتدیره جکی حکم ایستر مثبت ایستر منفی اولسون تأثیرده مساویر . فقط بو قید یالکیز وجود بحثه منحصردر . مباحث سائرده مسئله نیک شکی دکشیر . زیرا وجود بحثده بزه لازم اولان یالکیز بن لفظنه مضایف بر حکمک وجودی اولوب او حکمک ذاتنده کی نفی و اثبات دکلدر . حکم منفی ده اولسه انی ایلشیدیردیردیر مثبت بریر ایستر . او مثبت یرده متکلمک نفسیدر . چونکه ذاتاً ارانیلان بر امر وجودی ایدی « بن » لفظی انی تأمین ایدیور . انک اوزرینه ترتب ایتدیره جکی حکم مثبت ایسه مطلوب ثابت اولور . منفی ایسه سفسطه در ، چونکه نفی اثباته تقدم ایدمیز . وجود بیلمینجه عدم بیلمیز وجود حقیقه بر حکم منفی ویره بیلمک ایچون او حکمی ویرمیدن اول بهمه حال وجودی بیلمک ، وجودک نبوتنه قائل اولمق لازم کلیر .

قائل موجودییم معدومییم انی ده بیلم دیه شک وادیسنه صاباجق اولورسه بو سوزی بتون بتون مردوددر . چونکه انک بو سوزی ، ذهنده وجود وعدم کی ایکی مفهوم متغایرک نبوتنه دلالت ایدر . ذهنده ثابت اولان بو ایکی مفهوم متغایردن البته وجودک نبوتی عدمک نبوتندن مقدمدر . وجود اوزرینه ترتب ایتدیره جکی ایکی حکمدن برینی اختیارده توقی « انک ذهنده نبوت وجوده مانع دکلدر .

یوقاریده دیدیکمز کی حتی بن موضوعنک اوزرینه بر حکم منفی بیله ترتب ایتدیره ش اولسه بو حکم منفی ، بر حکم مثبت قدر حائر قوندر .

فرید

مسئله دهمین

مسلمانلغه ، مسلمانلرک حاله بر نظر

مابعد :

ایشته امت اسلامیة نیک حالی ! ایلك مسلمانلر آره سنده کی وحدتی تارمار ایدرک امتی سائر مانلرده اولدینی کی دین ایله دنیایی دین ایله دنیا آدملرینی بربرندن آیرمق کریوه سینه دوشورن بر طاقم حادثه لرک ظهوردن صوکره بواکی فرقه نیک هبرری دیکرینه قارشی یان

یوقمیسک ؟ دیهه صورملی ، وارم دیهه جک اولورسه وارم دیدیکک زمان بو سوزکله نه دیمک ایستدیککی بیلیمورمیسک دیه تکرار سوال ایتلی اکر کنديسندن جواب تصدیق الینیر ایسه دیمک که سن وجودک نه اولدینغی بیلیمورسک ، شو حالده بیلیدیکک بر شیتی نیچون صوریورسک دیمکی . حقیقه بو سوزک طوغری بک مسکت بر جوابدر . لکن انسانک کرک کندی وجودی ، کرک وجودات سائرینی بیلیمسی « بوجه ما » اولوب وجودک کنهی اعتباریه دکلدر . کنه وجودی اللهندن بشقه کیمسه بیلیمز . ذات وجوده قدر کیمکه نه حاجت ؟ موجوده بیله بو اشکال باقیدر . مثلاً التونک اوصاف واعراضی انک معادن سائرده « تمیزینی استلزام ایدر ، نظر مزده هویتی تحقق ایتدیرر . فقط بر سائل التونک کنهی نظر اعتباره الوده : بو اوصاف واعراض ایله معادن سائرده تمیز و هویت ذاتیه سیله تعین ایدن التونک کنديسی نه در ؟ دیه سوال ایدمیز جک اولورسه انک بو سواله قولای قولای جواب ویریلیمز . بونک جوابی « التون التوندر » سوزندن عبارت قالیر ؛ فقط بو سوز سائلی اسکات ایچون جواب کافی اوله ماز . واقعا بر شیتک حقیقتی او شیتک عینی اولسی اعتباریه او شیتی بیلیمک انک حقیقتی بیلیمک بیکدر . چونکه بر شیتک حقیقتی مابه الشی هو هو » دیه تعریف اولیور .

فقط مبحث وجودده اصل مسئله بو تعریفده کی « هو » لرک ایکنجیسندن یعنی او شیتی او شی ایدن حقیقه در . اندن اغماض عین ایدیلبوده تعریفده کی « هو » هو هو سینه ؛ عینی عیننه قبول ایدیلیرسه حقایق اشیا نیک بیلیمسی امرنده کی اشکال اصلا مندفع و او شیتک بیلیمه سیله انک حقیقتی بیلیمش اولماز .

بر شیتک حقیقتی او شیتک کنديسی ، کنديسی ده او شیتک حقیقتدیر دیمک ، او شی او شیدر دیمه نیک عینی اولوب هیچ بر معنای زائد افاده ایتمز و « شی » کندی نفسیه تعریف ایدلش اولور . (فقط بو قیود صرف مبحث وجوده نظر آدر) حتی اهل حقک « حقائق الاشياء ثابتة » سوزی بو فکر منزی مؤیددر . انلر بو سوزله الاشياء ثابتة معنایی مراد ایدرلر . بونی سوفسطائیهدن بشقه کیمسه انکار ایدمیز انحق او حقائق ثابتنه کنه نه لحوق علمه کلنجه اوراده جوق کیمسه سوفسطائی اولور . بو ایلریده بو بحثک تفصیله کیریشیله چکندن بوراده بوندن زیاده سويلیمه جکیز . مفهوم وجود حقیقه بحث سابق اکال ایدم . کنديسینه سن واریمیسک یوقمیسک دیه صوریلان یوقاریکی آدم مغالطه وادیسنه صایریده بن وجود نه دیمک اولدینغی بیلیمورم موجودییم معدومییم انی ده بیلیمورم . دیه جک اولورسه او آدم بو انکاری یاخود شک و تردیده برابر هم کندی وجودی همده انک ضمننده علی الاطلاق وجودی بیلیدیککی اعتراف ایتش اولور .

زیرا کوریلیرکه متکلم اولا کنديسینجه بر امر مثبت دیمک اولسی ضروری اولان کندی وجودندن انک ضمننده وجودات

باقیایه بوتون قباحتی ، مسئولیتی اونک اوستندن آتمایه قالدیشدی . او یله امیدایدیمیرکه یقیلمش اولان بذان مجدو شوکتمیزی یکیدن یوکسنتک ایچون فضائل اسلامیه نک لزومنده کی قطعی طویمش اولمق خصوصنده نسل حاضر بوتون انسال ماضیه یه تفوق ایده چکی کبی خلقی بولندیغمز زمانه کوره ارشاد ایتمکده کی قصورلرندن طولای علمامزه اک شدتلی مؤاخذلر یاغدییره حق اولان نسلده ینه اودر .

أوت ، ملتک معنویاتی اوزرینه چوکن ، بوتون جمعیتی استیلا ایدن ، کنجلیری لوٹ رذائل ایله مألوف ایدوب معالییه قارشی بوسبرتون طویغوسز برحاله کتیرن فساد اخلاق یاره لرینی قاپاتمق ایچون سینهلرده کالات اسلامیه نک او حیات ویریحی نفیخته بر بویوک اشتیاق اولدینی کوروپورز . انجق بو حس هنوز شرائط ضروریه سنی استکمال ایتمه مشدر ، دیمه مزه محترم قارئلریزک مساعده بویورملرینی نیاز ایدرز .

خلقمزی او یله کوروپورم که بوا می تحقق ایتدییره چک ، یاخود تحقق ممکن بر حاله کتیره چک اسبابک هیچ بیینه التفات ایتمکسزین اریکه استراحتلرینه قورولمشلرده فضائل اسلامیه نک کوکدن یاغفور شکنده اینه رک اوزاقده کیلرینی ، یاقینده کیلرینی سیراب حیات ایتسینی ایسته یورلر ! ده طوغروسی خلقمزی او یله کوروپورم که اوفضائل صنفلرینه مخصوص برلباس اکتسا ایدن ، یاخود مبین بعض کتابلری اوقویان ذواتدن باشقه سی واسطه سیله اله ایدیله من اعتقادینی بسلیورلر . خایر خایر ، بویله بر ظنده بوانه حق اولورسحق عقلمزلحقوقی ابطال ایتمش اولدوقن باشقه اوینه قاپانوبده بوتون حاجات معیشتنک خزینه غییدن کلسنی بکله یین مسکینلر درکسینه اینرز . او یله دکل ، بادیه خارجه چیقما یان اعرابنک آرزومان ایچنده آکلامقده کوچلک چکمیدیکی فضائل اسلامیه امتک منورالفکر کنجلیری ایچون هیچ بر وقت زور اوله ماز .

اسلامک اساسلری ذهنده یر ایده ییامک ایچون اوزون اوزادی داله یاخود تمهیده محتاج دکدر . اولر احاطه سی قولای ، طرزی ، محتای غایتی واضح او یله بر طاقم قاعده لردر که انسانک علمی لاحق اولور اولماز قلب - درجه سنی تعریف ایچون سوز بوله مایه جغمز قدر بوبوک - بر اطمینان ایله قبول ایدر .

اگر انسان حقایق کائناته واقف اولورده وجدانی اوزرنده حاکم اوله رق اودا اولمکی هیجان وخروشندن صوکره بوقدر اساسلی بر سکون تأمین ایدن اطمینانک سربنی اکلامق ایسترسه اولا اسرار خلقتی ثانیاً تکالیف حیاتی ثالثاً بوتون شو کائناته حاکم اولان قوانین فطرتی رابماً بشرک قسری بر حرکتله قوشوب کیتدیکی غایتی تدقیق ابامسی ایجاب ایدر . اوزمان کوریر که مسلمانلقده کی اساسلر احاطه سی بوقدر قولای بوقدر سریع اولمسیله برابر انسانی مادی ، معنوی فانی ، باقی الحاصل بوتون معناسیله سعاده ایصال ایده چک یکانه طریقدر ، اوت یکانه شامراء نورانوردر که بشر کندیسنه رغماً اونی ی فطرنده اولدینی کبی بوکون بوتون حکمای عالم او طریق

حکمتی کندیلرندن اوزاقده کوربیورلرده وصول ایچون هر درلو شداندی اقتحامه چالیشیورلر .

بکاعلا ! مسلمانلک اساسلرینی احاطه بوقدر قولای ، قواعدی بوقدر صاغلام ایکن فصل اولیورده او اساسلری غائب ایتدیکمزدن طولانی متأثر کورینیورز ؛ فصل اولیورده بزه احکام دینی ایضاح ایده میورلر دیه شوندن بوندن شکایت ایدیورز . حالوکه او اساسلر قرآن کریمده ، حدیث پیغمبریده ، ده صوکره سلف صالحک آثارنده اک صریح عبارهلرله اک رقیق اشارتلرله تمهید ایدلمشدر . مسلمانلر ظن ایدرمی که جناب حق قرآنی انجق بر صنف مخصوص طرفندن اکلاشلسون ؛ یاخود معنایی هیچ دوشونیلیمه مک شرطیله یاألولورک باشی اوچنده یاخود سوقاق اورتهلرنده اوقونسون ؛ یاخود شلکلی کیجه لرده ناکله کورولتولری ، توتون دومانلری ارمسندده یوکسک سسله نرم ایدلسون دیه کوندرمشدر ؟ مسلمانلر ظن ایدرلر می که علیه الصلاة والسلام اقدمزک احادیث کریمه سی یالکیز بر طاقم حاجاتک تأمین ، یاخود قضالرک دفعی ، یاخود برکت جایی ایچون تلاوت اولمق ایجاب ایدوب بشقه بر خیره یارامه سون ؟ مسلمانلر آرتق اکلامیلرلر که بونلرک کافه سی مسلمانلغه منافیدر ؛ همده جناب حقک عقابنی مستلزمدر .

قرآن که هر آیت بلندی بر مجموعه حکمتدر ؛ احادیث نبوی که قوانین اجتماعیه نک روحیدر ؛ جناب حق بونلرک صحائف اوراق اوزرینه یازیلوب بوتون طبقات امت آرمسندده نشر اولماسنی انجق احکام جلیله سی تأمل ایدلمک ، اوامری ، نواهیسی دستور حرکت اتخاذ اولمق ایچون امر بویورمشدر . چونکه فانی باقی هرایی سعادتک مداری ، هرایی حیاتک استنادکاهی بودر . تاریخ مسلمین بزم ایچون بوباده اک بویوک بر حجتدر . بکاعلا ! ایشه رحمت اسلامیه یه نه درجه لرده محتاج اولدیغمزی اکلاذق . لکن نه ایچون هریمز استطاعتی نسبتنده اوکالاتی احرازه چالیشیور ؛ ولاتکلف نفساً الاوسعها »

محمد ماکف

اسلامده فن وفلسفه

« هوای نسیمی کثافتنک ارتفاعله تناقص ایتدیکنی ایلک دفعه بیان ایدن ینه الحازندر .

الحازن دییورکه : مائلاً هوای نسیمی به داخل اولان شعاعات ضاییه ، محدبیتی ارضه متوجه اولمق اوزره بر محرك منحنی تعقیب ایدر . شو حالده کوزمزه واصل اولان شعاعات استقامتجه بوکوبه باقدینمز وقت ؛ اونی ، شعاعاتک کوزمزه چارپدینی محله محرك محده مماس اولان خط استقامتده رؤیت ایده چکمزدن ؛ سمت الرأسه دها قریب کوریرز . حالوکه کوکبک مرقعی حقیقت حالده اودرجه مرتفع دکدر .